

Na osnovu Zakona o javnim nabavkama Bosne i Hercegovine („Službeni glasnik“ broj: 39/14), člana 7. stav (b) Pravilnika o postupku direktnog sporazuma Elektrotehničkog fakulteta u Sarajevu (broj: 02-1-614/15 od 04.02.2015. godine) i Odluke o direktnom sporazumu (broj. 02-3758/17 od 11.10.2017. godine), zaključuje se

UGOVOR O PRUŽANJU USLUGA

Između ugovorenih strana:

ELEKTROTEHNIČKI FAKULTET U SARAJEVU - ID broj: 4200304450006, sa sjedištem u Sarajevu u ulici Zmaja od Bosne bb, koga zastupa dekan prof.dr Samim /Malić/ Konjicija (u daljem tekstu: Ugovorni organ)

i

EUROPA d.d. Sarajevo - ID broj: 4200375800008, sa sjedištem na adresi Vladislava Skarića br. 5, P.J. Hotel Holiday, koga zastupa direktor Bajrović Rasim (u daljem tekstu: Pružalac usluga)

Član 1. (Predmet Ugovora)

Predmet ovog Ugovora o pružanju usluga (u daljem tekstu: Ugovor) je pružanje usluge korištenja konferencijskih sala i pružanje ugostiteljskih usluga, te rezervacija smještajnih kapaciteta za učesnike konferencije "IEEE Innovation Smart Grid Technologies Europe 2018" od strane Pružaoca usluga za potrebe Ugovornog organa, a po osnovu direktnog sporazuma zaključenog između ugovornih strana.

Član 2. (Obaveze Pružaoca usluga)

Pružalac usluga se obavezuje da će pružiti usluge za 300 (tristotine) učesnika konferencije "IEEE Innovation Smart Grid Technologies Europe 2018", kako slijedi:

- paket kafe pauza,
- korištenje dvije konferencijske sale za sve dane trajanja konferencije,
- smještaj za do 6 osoba bez naknade,
- korištenje ostalih konferencijskih sala bez naknade.

Pružalac usluga se obavezuje da će osigurati smještaj (rezervirati smještajne kapacitete) za učesnike kojima bude potreban, a koji plaćaju učesnici lično, po sljedećim cijenama:

- jednokrevetna soba 108,00 KM sa PDV-om,
- dvokrevetna soba 126,00 KM sa PDV-om.

U slučaju da pružalac usluga ne obezbijedi smještaj za učesnike, obavezuje se naknaditi sve dodatne troškove i eventualnu štetu koja zbog toga nastane.

Član 3. (Obaveze Ugovornog organa)

Ugovorni organ se obavezuje da će:

- blagovremeno obavijestiti Pružaoca usluga o tačnom periodu za pružanja navedenih usluga,
- pismeno obavijestiti Pružaoca usluga o mogućim propustima i neispravnostima prilikom pružanja navedenih usluga.

Ugovorni organ se obavezuje da će u slučaju potpunog ili djelimičnog otkaza rezervacije smještaja platiti sljedeće troškove:

- otkaz cijele grupe do dva mjeseca prije dolaska bez storno troškova,
- otkazivanje do pet soba najmanje 1 mjesec prije dolaska bez storno troškova,
- otkazivanje do dvije sobe najmanje 10 dana prije dolaska bez storno troškova.

Član 4.
(Povjerljivost)

Ugovorne strane se obavezuju da će trajno čuvati kao poslovnu tajnu sve povjerljive informacije te da neće otkrivati ili na bilo koji način nedozvoljeno koristiti informacije koje se odnose na poslovanje.

Član 5.
(Naknada i način plaćanja)

Ugovorni organ se obavezuje da će Pružaocu usluga isplatiti ukupnu cijenu ponude u iznosu od 5.042,74 KM (pethiljadačetdesetdvije i 74/100 KM) bez PDV-a, koja se sastoji od:

- paket kafe pauza za 300 osoba po cijeni od 12,00 KM sa PDV-om po osobi (ukupno 3.077,00 KM bez PDV-a),
- korištenje dvije konferencijske sale po cijeni od 1.150,00 KM sa PDV-om po sali (ukupno 1.965,80 KM bez PDV-a).

Ugovorni organ se obavezuje da će uplatiti 50 % navedenog iznosa 45 dana prije dolaska gostiju, a ostatak iznosa najkasnije 7 dana prije dolaska gostiju.

Ugovoreni iznos naknade će se platiti na žiro račun Pružaoca usluga, kod odgovarajuće banke u Bosni i Hercegovini.

Pripadajući porez će se obračunati i platiti u skladu sa zakonom.

Član 6.
(Rješavanje sporova)

Za sve eventualne sporove po bilo kojem članu ovog Ugovora, ugovorne strane su saglasne da probleme i nejasnoće rješavaju sporazumno u razumnom roku, u protivnom nadležan je sud u Sarajevu.

Član 7.
(Završne odredbe)

Ugovor je sačinjen u 4 (četiri) istovjetna primjerka od kojih svaka ugovorena strana zadržava po 2 (dva) primjerka.

Ugovor stupa na snagu danom potpisivanja.

U znak prihvata svih prava i obaveza iz ovog Ugovora, ugovorene strane svojeručno ga potpisuju.

ZA PRUŽAOCA USLUGA

Direktor Rasim Bajrović

ZA UGOVORNI ORGAN

Dekan prof.dr Samim Konjicija

Broj: 02-3886/17
Datum: 24.10.2017. godine